

[Poesias]

Autor(en): **Vial, Gion / Cadieli, gion**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **26 (1952)**

PDF erstellt am: **27.07.2024**

Persistenter Link: <https://doi.org/10.5169/seals-881406>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

tia corna. Ei ha gronda munta, viver en ina claustra ni congregaziun u cuminonza senza puplar e perseverar leu fideivlamein entochen la mort . . . Els egl's dil mund ston ins daventar in jertg e tup carstgaun per amur de Cristus, sch'ins vul menar ina veta de religius . . . Ti eis vegnius en claustra per survir e buca per regetar, sappies che ti eis clamaus per suffrir e luvrar e buca per smarschanar e far il tschatscher. Cheu pia ston ils carstgauns secomprovar sco igl aur enta fiug, e che negin che po restar, nun ch'el vegli sehumiliar da tut cor per amur de Diu. «(Cud. de s. Cr.». Per rom. da dr. Ben. Giger, p. 43/44). —

Nus vesein: quei ch'ei pretendiu per daventar ventireivels en claustra, ein buc ual las tipicas qualitäts e vertids grischunas e romontschas . . .

Nies «giug», per mauns della «flur de mintga meins», ei finius. Igl ei restau mo pli il coc mellen; «mellen ei de niebel» sedi ei. Per quei patratgi in e scadin, schebein sia sort hagi tuccau il ver, schebein in e scadin de nus hagi cultivau sia sort «grazius e nieblamein» . . . ?



Al spus

*Ti retscheivas en rugada
ina flur, la spusada,
plein odur dil matutin,
plein fidonza el destin.
Pren e mai pli mai emblida,
che tier Tei ell'ei vegnida
per flurir egl avegnir, flurir . . .*

Gion Vial



Mumma

Mumma, plaid sublim e car
Che il cor fas palpitar
Agl affon en schampers piazs
Sco a quel en losch palaz.

Igl emprem de tuts ti eis,
Che la lieunga fa paleis.
„Mumma“ clom'el destadaus,
„Mumma“, cun ils egls gia claus.

Ha embrugl tschaffau il cor,
Sa el buc nu en, nu or
Mumma ei siu bien cussegl
Ed ei dat puspei sulegl.

Sin il camp schai il schuldau,
Che la balla ha blessau.
Sia vet'ei per svanir,
„Mumma“ siu davos suspir.

Mumma, plaid sublim e car,
Tgi sa tiu cuntegn pesar.
Quel sas ti mo lu capi,
Cu ti has ca mumma pli.

Sur Gion Cadieli.

Cara mumma, jeu tei roghel

Gia damaun stoi la vallada
E tei mumma bandunar,
Oz per la davosagada
Sai von tei senschanugliar.
Cara mumma, jeu tei roghel,
Dai a mi benedicziun.

Sun egl jester jeu sin vias,
Che mei meinan tut en craun,
Teidllel jeu sin melodias,
Che giavinan sil malmaun:
Cara mumma, jeu tei roghel,
Fai per mei po oraziun.

Sche jeu tuornel inagada
E stos tei lu fors'anflar
En santeri cavegliada
Stagl d'a ti en bratsch curdar:
Cara mumma, jeu tei roghel,
Dai a mi consolaziun.

Sur Gion Cadieli.

Miu paradis

Leu nua che jeu sun naschius
In scazi hai, in car;
Quel dess jeu buc per tut igl aur,
Che ei sil mund d'anflar.
La mumma ha leu giu quita
Per mei els giuvens dis.
O cor matern, o cor matern,
Ti eis miu paradis.

Leu nua che jeu sun naschius
Ventira hai anflau,
Mo lunsch naven da casa ha
Il mund mei giavinau.
Il mund ha mei mo enganau,
Ded el jeu sun unfis.
O cor matern, o cor matern,
Ti eis miu paradis.

Leu nua che jeu sun naschius
Leu lessel jeu murî.
Sper sia fossa lessel jeu
Profundamein durmî,
Spetgar sil giuvenessendi,
Ch'igl aungel dat avis.
O cor matern, o cor matern,
Ti eis miu paradis.

Sur Gion Cadieli.

Igl ierfan

Il matg cun sia pumpa
Sefa pertut valer.
A mi il cor el rumpa,
Jeu pos el buca ver.
O con bugen a casa
Mav'jeu il meins de flurs,
Ed uss dolur serasa
Sun senza geniturs.

Il bab, la mumma cara
Han ei a mi satrau,
Han schau mei cheu sin tiara
Sco jerman bandunau.
O matg, la fossa arva
O arv'ell'er per mei,
Lu cont'jeu tia viarva,
Sun tiu amitg puspei.

Sur Gion Cadieli.